

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ

ДОМ НАРОДА
ПРЕДСТАВНИЧКИ ДОМ

Зajедничка комисија за одбрану и безбједност
Босне и Херцеговине



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

DOM NARODA
PREDSTAVNIČKI DOM/ZASTUPNIČKI DOM

Zajednička komisija za odbranu i sigurnost
Bosne i Hercegovine
Zajedničko povjerenstvo za odbranu i sigurnost
Bosne i Hercegovine

Broj: **03/1-50-14-7-11 /25**

Sarajevo, 14.01.2025.

IZVJEŠTAJ O RADU
ZAJEDNIČKE KOMISIJE ZA ODBRANU I SIGURNOST BiH
ZA 2024. GODINU

Sarajevo, decembar 2024. godine

UVOD

POGLAVLJE I. Sjednice Zajedničke komisije

Odjeljak A. Statistički podaci o sjednicama

Odjeljak B. Prijedlozi zakona

Odjeljak C. Izvještaji o radu

Odjeljak D. Ostali materijali

POGLAVLJE II. Ostale aktivnosti Zajedničke komisije

Odjeljak A. Aktivnosti obavljanja parlamentarnog nadzora nad sektorima odbrane i sigurnosti

Odjeljak B. Međunarodne aktivnosti

Odjeljak C. Saradnja s predstavnicima institucija u BiH

Odjeljak D. Saradnja s predstavnicima međunarodnih organizacija u BiH

POGLAVLJE III. Rezime

UVOD

Rad Zajedničke komisije za odbranu i sigurnost BiH (u daljnjem tekstu: Zajednička komisija) zasnovan je na odredbama Poslovnika Predstavničkog doma Parlamentarne skupštine BiH i Poslovnika Doma naroda Parlamentarne skupštine BiH, a njena nadležnost regulirana je članom 59. Poslovnika Predstavničkog doma, odnosno članom 49. Poslovnika Doma naroda PSBiH.

Zajednička komisija je tokom 2024. godine aktivno radila na provođenju obaveza utvrđenih poslovnica oba doma PSBiH, kao i obaveza i zadataka koje je sama utvrdila Orijentacionim radnim planom ZK za 2024. godinu, o čemu podnosi Izvještaj o radu za 2024. godinu, u skladu s članom 56. Poslovnika Predstavničkog doma i članom 46. Poslovnika Doma naroda PSBiH.

Tokom izvještajnog perioda Zajednička komisija za odbranu i sigurnost BiH je:

- održala četiri sjednice Zajedničke komisije, na kojima su razmatrane ukupno 32 tačke dnevnog reda (u prilogu je pregled održanih sjednica ZK s podacima o datumu održavanja, trajanju sjednica i prisustvu članova ZK sjednicama);
- bila domaćin regionalnog godišnjeg sastanka;
- članovi Zajedničke komisije su učestvovali u radu više konferencija, seminara, prezentacija, radionica i okruglih stolova u Bosni i Hercegovini;
- održala više radnih sastanaka s predstavnicima domaćih i međunarodnih institucija u Bosni i Hercegovini;
- realizirana je jedna studijska posjeta.

Zajednička komisija je u 2024. godini realizirala više aktivnosti. Najznačajnije od njih su, osim razmatranja prijedloga zakona iz svoje nadležnosti, one koje se odnose na razmatranje i usvajanje ostalih akata (u prvom redu izvještaja i informacija), kao i aktivnosti koje je Zajednička komisija sama organizirala, inicirala ili učestvovala u njima na inicijativu drugih organizacija radi boljeg upoznavanja sa stanjem u sektorima odbrane i sigurnosti.

POGLAVLJE I. Sjednice Zajedničke komisije

Odjeljak A. Statistički podaci o sjednicama

Tokom izvještajnog perioda održane su četiri sjednice Zajedničke komisije, na kojima su razmatrane ukupno 32 tačke dnevnog reda, uz napomenu da su na 7. sjednici kao podtačke dnevnog reda razmatrane informacije Zajedničke komisije - šest informacija, a na 10. sjednici su kao podtačke dnevnog reda razmatrani pojedinačni izvještaji o radu institucija za 2023. godinu – 12 izvještaja, kao i četiri informacije Zajedničke komisije.

Sjednice Zajedničke komisije za odbranu i sigurnost BiH održane su u sljedećim terminima:

7. sjednica Zajedničke komisije	24. 1. 2024.	10 tačaka dnevnog reda
8. sjednica Zajedničke komisije	26. 2. 2024.	9 tačaka dnevnog reda

9. sjednica Zajedničke komisije	13. 6. 2024.	6 tačaka dnevnog reda
10. sjednica Zajedničke komisije	16. 10. 2024.	7 tačaka dnevnog reda

Odjeljak B. Prijedlozi zakona

Zajednička komisija je u periodu 1.1-31.12.2024. razmatrala kao nadležna jedan prijedlog zakona:

- Prijedlog zakona o dopunama Zakona o odbrani Bosne i Hercegovine (predlagač: Dom naroda Parlamentarne skupštine BiH)

Odjeljak C. Izvještaji o radu

Tokom 2024. godine Zajednička komisija razmatrala je izvještaj o radu Vijeća ministara BiH za 2023. godinu, kao i pojedinačne izvještaje o radu institucija iz oblasti sektora odbrane i sigurnosti kao i drugih institucija iz nadležnosti Zajedničke komisije:

1. Izvještaj o radu Zajedničke komisije za odbranu i sigurnost BiH za 2023. godinu (materijal Zajedničke komisije za odbranu i sigurnost BiH),
2. Izvještaj o radu Vijeća ministara BiH za 2023. godinu (sačinilac: Vijeća ministara BiH, broj: 01,02-50-1-18-1414/24 od 19. 7. 2024), u dijelu nadležnosti Zajedničke komisije za odbranu i sigurnost BiH,
3. Izvještaj o radu Ministarstva odbrane BiH za 2023. (sačinilac: MOBiH, akt broj: 03/1-03-583/24 od 13. 3. 2024),
4. Izvještaj o radu Ministarstva sigurnosti BiH za 2023. (sačinilac: Ministarstvo sigurnosti BiH, akt broj: 03/1-03-1264/24 od 4. 7. 2024),
5. Izvještaj o radu Državne agencije za istrage i zaštitu – SIPA za 2023. (sačinilac: SIPA, akt broj: 03/1-03-1270/24 od 5. 7. 2024),
6. Izvještaj o radu Granične policije BiH za 2023. (sačinilac: GPBiH, akt broj: 03/1-03-1344/24 od 10. 7. 2024),
7. Izvještaj o radu Službe za poslove sa strancima za 2023. (sačinilac: Služba za poslove sa strancima, akt broj: 03/1-03-1342/24 od 10. 7. 2024),
8. Izvještaj o radu Agencije za policijsku podršku za 2023. (sačinilac: Agencija za policijsku podršku, akt broj: 03/1-03-1352/24 od 11. 7. 2024),
9. Izvještaj o radu Agencije za školovanje i stručno usavršavanje za 2023. (sačinilac: Agencija za školovanje i stručno usavršavanje, akt broj: 03/1-03-1277/24 od 8. 7. 2024),
10. Izvještaj o radu Agencije za forenzička ispitivanja i vještačenja za 2023. (sačinilac: Agencija za forenzička ispitivanja i vještačenja, akt broj: 03/1-03-1343/24 od 10. 7. 2024),
11. Izvještaj o protuminskom djelovanju za 2023. (sačinilac: Centar za uklanjanje mina - BHMAC, akt broj: 03/1-50-18-1477/24 od 29. 7. 2024),
12. Izvještaj o radu Državne regulatorne agencije za radijacijsku i nuklearnu sigurnost BiH (Sačinilac: DARNS, akt broj: 03/1-03-1828/24 od 25. 9. 2024),

13. Izvještaj o radu parlamentarnog vojnog povjerenika BiH za 2023. godinu, akt broj: 01,02-37-4-218/24 od 30. 1. 2024,
14. Izvještaj o radu Odbora za žalbe građana Parlamentarne skupštine BiH za 2023. godinu, akt broj: 01,02-50-15-290/24 od 13. 2. 2024,
15. Izvještaj o radu Nezavisnog odbora kao nezavisnog tijela policijske strukture BiH za 2023. godinu, akt broj: 01,02-50-15-312/24 od 13. 2. 2024,
16. Izvještaj o radu Koordinacionog odbora za kontrolu malog oružja i lakog naoružanja za 2023. godinu, akt broj: 03/1-50-18-1008/24 od 21. 5. 2024,
17. Izvještaj o izdatim ispravama i odbijenim zahtjevima za izdavanje isprava za vanjskotrgovinski promet oružja, vojne opreme i roba posebne namjene za 2019. godinu, sačinilac: Ministarstvo vanjske trgovine i ekonomskih odnosa BiH, akt broj: 01,02-03-2549/23 od 8. 12. 2023,
18. Izvještaj o realizaciji izdatih isprava za vanjskotrgovinski promet oružja, vojne opreme, i roba posebne namjene za 2019. godinu, sačinilac: Ministarstvo vanjske trgovine i ekonomskih odnosa BiH, akt broj: 01,02-03-2549/23 od 8. 12. 2023,
19. Izvještaj o izdatim i realiziranim ispravama i odbijenim zahtjevima za izdavanje isprava za vanjskotrgovinski promet oružja, vojne opreme i robe posebne namjene za 2020. godinu, sačinilac: Ministarstvo vanjske trgovine i ekonomskih odnosa BiH, akt broj: 01,02-50-18-316/24 od 13. 2. 2024.

Odjeljak D. Ostali materijali

Zajednička komisija je u izvještajnom periodu razmatrala, usvojila, primila k znanju i, u zavisnosti od karaktera akta, po potrebi, uputila u daljnju parlamentarnu proceduru i sljedeće akte:

1. Orijentacioni radni plan Zajedničke komisije za odbranu i sigurnost BiH za 2024. godinu (materijal Zajedničke komisije za odbranu i sigurnost BiH),
2. Plan rada Nezavisnog odbora kao nezavisnog tijela policijske strukture BiH za 2024. godinu, akt broj: 05/1-50-15-2518/23 od 7. 12. 2023,
3. Poslaničku inicijativu Predraga Kojovića, Sabine Ćudić i Aide Baručije, broj: 01-50-1-2389/23 od 18. 11. 2023,
4. Delegatsku inicijativu Džemala Smajića, broj: 02-50-6-379/24 od 15. 2. 2024,
5. Poslaničku inicijativu Sabine Ćudić, broj: 01-50-1-1021/24 od 22. 5. 2024,
6. Poslaničku inicijativu Sabine Ćudić, broj: 01-50-1-1674/24 od 05. 9. 2024,
7. Odluku o postavljenju na dužnost profesionalnih vojnih lica na formacijska mjesta za koja je predviđen čin generala u Ministarstvu odbrane i Oružanim snagama Bosne i Hercegovine, predlagач: Predsjedništvo BiH, akt broj: 01,02-03-2491/23 od 30. 11. 2023,
8. Informaciju o godišnjem planu obuke i vježbi pripadnika i jedinica Oružanih snaga Bosne i Hercegovine u inozemstvu za 2024. godinu, sačinilac: Ministarstvo odbrane BiH, akt broj: 03/1-03-2137/23 od 6. 10. 2023,
9. Informaciju o stanju u oblasti migracija u BiH za prvih devet mjeseci 2023. godine, sačinilac: Ministarstvo sigurnosti BiH; akt broj: 03/1-50-18-190/24 od 22. 1. 2024,
10. Informaciju Ministarstva odbrane BiH o produženju ugovora profesionalnim vojnim licima za 2023. godinu; akt broj: 01,02-03-195/24 od 22. 1. 2024,

11. Informaciju o stanju u oblasti migracija u BiH za 2023. godinu, sačinilac: Ministarstvo sigurnosti BiH, akt broj: 03/1-50-18-851/24 od 25. 4. 2024,
12. Informaciju o realizaciji Plana provođenja Pregleda odbrane i Akcionog plana provođenja Plana razvoja i modernizacije Oružanih snaga BiH 2017 - 2027, sačinilac: Ministarstvo odbrane BiH, broj: 03/1-03-1520/24 od 2. 8. 2024,
13. Informacije o aktivnostima članova Zajedničke komisije za odbranu i sigurnost BiH:
 - a. Informaciju o učešću članova Zajedničke komisije za odbranu i sigurnost BiH u obilasku jedinica i komandi Oružanih snaga BiH, Regionalnog ureda Granične policije BiH Sjeverozapad-Gradiška i TROM Doboju, 25. i 26. 9. 2023,
 - b. Informaciju o održanom sastanku s komandanticom Štaba NATO-a brigadnom generalicom Pamelom Mekgahom, 4. 10. 2023,
 - c. Informaciju o održanom sastanku s poslanicom Bundestaga SR Njemačke Martinom Rener, 5. 10. 2023,
 - d. Informaciju o sastanku sa zamjenikom podsekretara UN-a i direktorom Ureda za borbu protiv terorizma Rafijem Gregorijanom, 12. 10. 2023,
 - e. Informaciju o učešću članova Zajedničke komisije za odbranu i sigurnost BiH na zajedničkom sastanku parlamentarnih radnih tijela iz oblasti sigurnosti, Banja Luka, 5. 12. 2023,
 - f. Informaciju o učešću članova Zajedničke komisije za odbranu i sigurnost BiH u studijskoj radnoj posjeti Parlamentarnoj skupštini NATO-a, Glavnom sjedištu NATO-a i Štabu NATO-a u Briselu, Belgija, 10-12. 12. 2023,
 - g. Informaciju o sastanku s komandanticom i novoimenovanim komandantom Štaba NATO-a u Sarajevu, 8. 5. 2024,
 - h. Informaciju o sastanku članova rukovodstva ZKOS-a s povjerenicom za odbrambena pitanja Bundestaga Evom Hogl, Sarajevo, 4. 6. 2024,
 - i. Informaciju o Godišnjem sastanku predstavnika komisija za odbranu i sigurnost zemalja Jugoistočne Evrope, Sarajevo, 12. i 13. 6. 2024,
 - j. Informaciju o sastanku predsjedavajućeg ZKOS-a s vojnim atašeuom SR Njemačke u BiH, Sarajevo, 8. 7. 2024.

Razmatrane su četiri poslaničke/delegatske inicijative i dostavljena mišljenja domovima o njima, a verificirana su četiri zapisnika sjednica Zajedničke komisije.

POGLAVLJE II. Ostale aktivnosti Zajedničke komisije

Odjeljak A. Aktivnosti s ciljem obavljanja parlamentarnog nadzora nad sektorom odbrane i sigurnosti

Zajednička komisija je tokom 2024. godine realizirala više aktivnosti, a sve s ciljem da se što bolje upozna s aktuelnim stanjem u ministarstvima i drugim institucijama, da bi se ostvario uvid, kontrola i demokratski nadzor nad radom institucija iz nadležnosti Zajedničke komisije. Na sjednice Zajedničke komisije redovno su pozivani rukovodioci ministarstava i drugih

institucija koji su bili obrađivači i predlagači materijala koji su bili na dnevnom redu. Kada su u pitanju ministarstva, u ime ministarstava sjednicama su prisustvovali zamjenici ministara, sekretari ministarstava ili pomoćnici ministara, po ovlaštenju ministara.

Rukovodioci agencija redovno su se odazivali na pozive i prisustvovali sjednicama Zajedničke komisije.

1. Regionalni godišnji sastanak predstavnika parlamentarnih komisija za odbranu i sigurnost zemalja Jugoistočne Evrope

U organizaciji Zajedničke komisije za odbranu i sigurnost BiH i Regionalnog centra za sigurnosnu saradnju u jugoistočnoj Evropi (RACVIAC), Misije OSCE-a u BiH, te Centra za upravljanje sektorom sigurnosti (DCAF) iz Ženeve u PSBiH 12. i 13. juna 2024. je, nakon pauze od pet godina, održan Godišnji sastanak predstavnika komisija za odbranu i sigurnost parlamenata zemalja Jugoistočne Evrope, u čijem radu je učestvovalo 56 učesnika. Osim predstavnika parlamentarnih komisija za odbranu i sigurnost parlamenata zemalja Jugoistočne Evrope, u radu Godišnjeg sastanka učestvovali su uvodničari i eksperti iz Austrije i SAD-a.

U okviru Prve sesije pod nazivom „Parlamentarni nadzor sektora za odbranu i sigurnost – trenutno stanje i dobre prakse“ učesnici su se upoznali s aktuelnim stanjem i načinom rada odbora /komisija, te je ukazano da su aktuelna sljedeća pitanja:

- odbrambene i sigurnosne politike,
- pitanja vezana za budžete u oba sektora. Insistiranje na transparentnosti u trošenju budžetskih sredstava što je obaveza koja je primarno istaknuta i u OSCE-ovom kodeksu,
- usklađivanje legislative s potrebama i realnim promjenama u sektoru odbrane i sigurnosti,
- očito je da je u pojedinim zemljama regiona sve manji interes za profesije u uniformi. Razlozi su brojni, ali sigurno je najveći problem u standardu i visini plaća.

Druga sesija bavila se pitanjem uloge parlamentarne diplomatije u jačanju sigurnosti i mira u Jugoistočnoj Evropi, a OSCE-ov Kodeks ponašanja kao normativni okvir parlamentarnog nadzora nad odbranom i sigurnošću je bio tema treće sesije.

Na kraju sastanka je ocijenjeno da su diskusije i pojedinačna izlaganja učesnika donijele dodatnu vrijednost. Naglašeno da ovakvi sastanci daju puni doprinos razvoju regionalne saradnje i izražena je želja da se nastavi s ovom važnom harmonizacijom odnosa u prostoru Jugoistočne Evrope kroz ovakve sastanke i u budućnosti. Predstavnici Odbora za odbranu Hrvatskog sabora izrazili su želju da budu domaćini narednog regionalnog Godišnjeg sastanka predstavnika komisija za odbranu i sigurnost parlamenata zemalja Jugoistočne Evrope u junu 2025. godine, što su učesnici skupa pozdravili.

2. Aktivnosti Zajedničke komisije

Tokom 2024. godine članovi Zajedničke komisije odazivali su se na pozive i aktivno učestvovali u više različitih aktivnosti:

1. Prisustvo obilježavanju 75. godišnjice NATO-a i 20. godišnjice otkad je Misija EUFOR-a ustupila mjesto Štabu NATO-a Sarajevo, 2. 4. 2024,

2. Prisustvo primopredaji dužnosti komandanta Štaba NATO-A u Sarajevu između brigadne generalice Pamele McGaha i brigadnog generala Matthewa A. Valasa, Sarajevo, 10. 5. 2024,
3. Učešće u radu okruglog stola pod nazivom „Unapređenje sajber sigurnosti u BiH“, u okviru BIHOS projekta „Bosna i Hercegovina gradi inkluzivni nadzor nad sigurnošću“, Jahorina, 19. 9. 2024,
4. Učešće u radu 24. sjednice Strateškog komiteta za naoružanje, municiju i minsko-eksplozivna sredstva, Sarajevo, 20. 11. 2024,
5. Učešće na Drugoj konferenciji Mreže načelnika generalštabova „Žene, mir i sigurnost“, Sarajevo, 6. 11. 2024,
6. Obilježavanje 30. godišnjice usvajanja OSCE-ovog Kodeksa ponašanja u vojno - političkim aspektima sigurnosti, Sarajevo, 11. 11. 2024,
7. Učešće u radu skupa - Rezolucija UN-a 1325 te rodnoosjetljivi pristup nadzora nad sektorom sigurnosti, Konjic, 9.12.2024.

Odjeljak B. Međunarodne aktivnosti

Tokom izvještajnog perioda održano je više sastanaka s međunarodnim zvaničnicima koji su adekvatno pripremljeni i realizirani:

1. Sastanak sa zamjenikom šefa Misije OSCE-a u BiH Thomasom Buschom i predstavnicima Odjela za sigurnosnu saradnju Misije OSCE-a u BiH s Bojanom Jankovićem na čelu Odjela, 8. 2. 2024,
2. Sastanak s komandantom EUFOR-a u BiH general-majorom Lászlóm Sticzom,
3. Sastanak s komandanticom Štaba NATO-a u Sarajevu brigadnom generalicom Pamelom McGaha i novoimenovanim komandantom Štaba NATO-a u Sarajevu brigadnim generalom Matthewom A. Valasom, 8. 5. 2024,
4. Sastanak s povjerenicom za odbrambena pitanja Bundestaga SR Njemačke Evom Högl, 4. 6. 2024,
5. Sastanak s vojnim atašekom Savezne Republike Njemačke u BiH potpukovnikom Franc – Jozefom Nolteom, 8. 7. 2024,
6. Sastanak sa šefom Odjela za političke aktivnosti i podršku NATO-a Vladimirom Vučinićem, 10. 10. 2024.

Realizirana je studijska radna posjeta Hagu u okviru BIHOS projekta „Bosna i Hercegovina gradi inkluzivni nadzor nad sigurnošću“, Hag, Kraljevina Nizozemska (19. 11 – 21. 11. 2024). Studijsku posjetu je s nosiocima i implementatorima projekta organiziralo i finansiralo Ministarstvo vanjskih poslova Kraljevine Nizozemske. Tokom studijske posjete, u kojoj su učestvovali predstavnici zakonodavne vlasti i državni službenici koji rade u komisijama/odborima za odbranu i sigurnost na svim nivoima vlasti u Bosni i Hercegovini, fokus je bio na specifičnim temama nadzora nad sektorom odbrane i sigurnosti, kao i na razmjeni iskustava tokom posjete nizozemskim državnim institucijama iz sektora odbrane i sigurnosti.

Odjeljak C. Saradnja s predstavnicima institucija u BiH

Tokom izvještajnog perioda Zajednička komisija je saradivala s predstavnicima sljedećih institucija:

1. Ureda parlamentarnog vojnog povjerenika BiH
2. Ureda predsjedavajućeg Nezavisnog odbora PSBiH
3. Ureda predsjedavajućeg Odbora za žalbe građana
4. Kabineta ministra sigurnosti BiH
5. Kabineta ministra i zamjenika ministra odbrane BiH
6. Kabineta načelnika i zamjenika načelnika Zajedničkog štaba Oružanih snaga BiH
7. Kabineta direktora Državne agencije za istrage i zaštitu – SIPA-e
8. Kabineta direktora Granične policije BiH
9. Kabineta direktora Službe za poslove sa strancima
10. Kabineta direktora Direkcije za koordinaciju policijskih tijela BiH
11. Kabineta direktora Agencije za policijsku podršku
12. Kabineta direktorice Agencije za forenzička ispitivanja i vještačenja
13. Kabineta direktora Agencije za školovanje i stručno usavršavanje kadrova
14. Kabineta direktora Obavještajno-sigurnosne agencije BiH
15. Kabineta direktora Centra za deminiranje – BHMACH
16. Kabineta direktora Državne regulatorne agencije za nuklearnu sigurnost
17. Kabineta Komisije za deminiranje Ministarstva civilnih poslova BiH
18. Ureda sekretara komisija za sigurnost Parlamenta Federacije BiH
19. Ureda predsjednika Odbora za bezbjednost Narodne skupštine Republike Srpske

Odjeljak D. Saradnja s predstavnicima međunarodnih organizacija u BiH

Zajednička komisija je tokom 2024. godine saradivala je s predstavnicima međunarodnih organizacija u BiH, s kojima na partnerskoj osnovi saraduje već dugi niz godina. Tu je, prije svega, riječ o:

1. Misiji OSCE-a u BiH
2. Uredu UNDP-a u Sarajevu
3. Komandi EUFOR-a
4. Štabu NATO-a u BiH
5. Ženevskom centru za civilnu kontrolu oružanih snaga - DCAF
6. Regionalnom centru za sigurnosnu saradnju - RACVIAC

POGLAVLJE III. REZIME

Na osnovu pregleda navedenih aktivnosti, može se zaključiti da je Zajednička komisija tokom 2024. godine najvećim dijelom realizirala zadatke utvrđene svojim Orijentacionim radnim planom za 2024. godinu.

Predsjedavajući Zajedničke komisije
Jasmin Imamović

Prilog:

1. Tabela - Pregled održanih sjednica ZK s podacima o datumu održavanja, trajanju sjednica, broju tačaka dnevnog reda i broju prisutnih članova ZK sjednicama u 2024. godini

Tabela 1. Sjednice Zajedničke komisije za odbranu i sigurnost BiH u 2024. – statistički podaci

Broj i datum održavanja sjednice	Broj razmatranih tačaka dnevnog reda na sjednici	Trajanje sjednica Komisije	Prisustvo sjednicama Zajedničke komisije	
			Broj prisutnih članova Zaj. kom.	Procentulno izraženo prisustvo sjednici
7. sj. / 24.1.2024	10	1sat i 30 min	9	75%
8.sj. / 26.2.2024	9	1sat i 10 min	9	75%
9.sj. / 13.6.2024	6	30 min	10	83,33 %
10.sj./16.10.2024	7	1h	9	75%
Ukupan broj sjednica: 4	Ukupan broj razmatranih tačaka: 32	Prosjek trajanja sjednica: 1 sat i 3 min	Prosjek prisutnih po sjednici: 9,25	Procent. prisustvo: 77,08%

Dostavljeno:

- naslovu
- a/a